



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

15 JUN 2022 (RABU)



KERATAN AKHBAR DAN MEDIA ONLINE (KPDNHEP)

15 JUN 2022 (RABU)



PEGAWAI penguat kuasa KPDNHEP Cawangan Manjung memeriksa lori tangki dipercayai terbabit aktiviti pembelian dan penyelewengan diesel di Pantai Remis, Manjung.

2 ditahan seleweng diesel bersubsidi

Manjung: Dua lelaki termasuk pemilik stesen minyak yang memiliki rekod kesalahan lampau dengan Kementerian Perdagangan Dalam Negeri dan Hal Ehwal Pengguna (KPDNHEP) ditahan di Pantai Remis di sini, jam 12 tengah hari kelmarin, kerana terbabit dalam aktiviti pembelian dan penyelewengan diesel bersubsidi.

Pengarah KPDNHEP Perak, Saifullizan Kamarul Zaman berkata, suspek berusia 20-an dan 53 tahun ditahan penguat kuasa KPDNHEP Cawangan Manjung susulan aduan serta risikan berkaitan aktiviti pembelian diesel bersubsidi menggunakan lori tangki secara berulang.

"Sebuah lori tangki didapati membeli diesel dan melakukan pengisian ke dalam tangki dalam tempoh satu hingga dua jam di stesen minyak sama.

"Suspek berusia 20-an didapati tiga kali mengisi diesel di stesen sama. Hasil siasatan awal, pemilik stesen minyak dan premis pemborong barang kawalan diesel itu disyaki individu sama malah mempunyai rekod kesalahan lampau dengan KPDNHEP," katanya pada kenyataan, semalam.

Kata kenyataan, aktiviti penyelewengan itu berlarutan sejak lima bulan lalu disebabkan harga diesel (komersial) yang kini mencecah hampir RM5 seliter, sedangkan diesel di stesen minyak dijual pada harga RM2.15 seliter.

"Kami merampas dan menyita 23,200 liter diesel, lori tangki, dua nozel dan pam diesel dengan nilai keseluruhan RM202,000.

"Kes disiasat mengikut Akta Kawalan Bekalan 1961 dan Peraturan-Peraturan Kawalan Bekalan 1974," katanya.

Diesel bersubsidi RM2.15 seliter dijual RM5 seliter

BERUAS – Kementerian Perdagangan Dalam Negeri dan Hal Ehwal Pengguna (KPDNHEP) Perak menahan dua lelaki termasuk pemilik stesen minyak kerana disyaki menjual harga diesel komersial hampir RM5 seliter sedangkan harga subsidi RM2.15 seliter.

Pengarah KPDNHEP Perak, Saifullizan Kamarul Zaman berkata, kedua-dua lelaki berusia 20-an dan 53 tahun itu ditahan sepasukan pegawai penguat kuasa KPDNHEP Cawangan Manjung dalam serbuan di sebuah stesen minyak di Pantai Remis kira-kira pukul 12 tengah hari.

"Penahanan itu dilakukan hasil aduan dan risikan pihak kami sejak kira-kira lima bulan lalu," katanya dalam satu kenyataan di sini semalam.

Menurut beliau, siasatan mendapati penyelewengan itu dilakukan dengan cara menggunakan sebuah lori tangki yang sama mengisi diesel di stesen minyak tersebut berulang kali sebelum dipindahkan ke kenderaan lain.

Jelasnya, hasil pengintipan pihaknya mendapati modus operandi ialah lori tangki berulang kali mengunjungi stesen

minyak tersebut untuk membeli minyak diesel dan melakukan pengisian ke dalam tangki kenderaan dalam tempoh antara satu hingga dua jam di stesen minyak sama.

"Hasil pemeriksaan dan siasatan awal mendapati kedua-dua premis perniagaan stesen minyak dan pemborong barang kawalan diesel itu disyaki adalah individu sama dan pernah mempunyai rekod kesalahan lampau dengan KPDNHEP," jelasnya lagi.

Serentak itu juga, Saifullizan memberitahu, sebanyak 23,200 liter diesel, sebuah lori tangki, tiga tangki serta dua nozel dan pam minyak diesel keseluruhannya bernilai RM202,000 disita.

Tegas beliau, kes itu disiasat di bawah Akta Kawalan Bekalan 1961 dan Peraturan-Peraturan Kawalan Bekalan 1974.

Jika disabitkan kesalahan, mereka boleh didenda sehingga RM1 juta dan penjara maksimum tiga tahun atau kedua-duanya sekali bagi kesalahan pertama serta denda sehingga RM3 juta atau penjara maksimum lima tahun atau kedua-duanya sekali bagi kesalahan kedua.

Upah tangkap ayam 70 sen sekilogram

Kos tambahan 70 sen itu menjadikan harga ayam dari ladang meningkat kepada RM6.80 sekilogram

Oleh RAHAYU MUSTAFA
KUALA NERUS

Caj tambahan yang dikenakan oleh segelintir peladang seperti upah menangkap ayam sebanyak 70 sen ke atas pemborong menyebabkan kos bahan mentah itu meningkat kepada RM6.80 sen. Harga ladang yang ditetapkan oleh kerajaan adalah RM5.60 sen.

Taktik tersebut dikesan Kementerian Perdagangan Dalam Negeri dan Hal Ehwal Pengguna (KPDNHEP) Terengganu dalam satu pemeriksaan di salah sebuah pusat pemborong ayam terbesar di negeri itu.

Pengarahnya, Saharuddin Mohd Kia berkata, pemeriksaan tersebut dijalankan susulan rungutan diterima daripada pemborong dan peruncit ayam mengenai caj tambahan yang dikenakan terhadap mereka.

"Mengikut invois dikemukakan pem-



Saharuddin (kanan) memeriksa rekod transaksi jual beli ayam di pusat pemborong ayam di Kuala Nerus pada Selasa.

borong, harga ayam diberikan sudah betul tetapi ada pula caj lain seperti upah tangkap ayam sebanyak 70 sen, menjadikan harga ayam dari ladang meningkat kepada RM6.80 sekilogram.

"Apabila pihak pemborong dikenakan caj tambahan seperti itu, mereka terpaksa menyerap kos dengan mengenakan caj pengangkutan kepada peruncit.

"Kesannya, peruncit dilaporkan turut mengenakan caj seperti potong ayam,

beg plastik dan ais kepada pembeli," katanya di sini pada Selasa.

Menurut Saharuddin, KPDNHEP akan melakukan siasatan di peringkat peladang ayam bagi mengetahui punca sebenar masalah itu.

Terdapat lapan pemborong utama ayam di Terengganu dan kebanyakan mereka memperoleh bekalan bahan mentah tersebut dari Melaka, Pahang dan ladang kontrak di negeri ini.

49,000kg baja bersubsidi dirampas

Baja tersebut disimpan di lokasi tidak dilesenkan

Oleh ROSLINDA HASHIM
ALOR SETAR

Kementerian Perdagangan Dalam Negeri dan Hal Ehwal Pengguna (KPDNHEP) Kedah merampas 43,750 kilogram (kg) baja sebatian bersubsidi dan 5,250kg baja sebatian yang dibungkus semula dalam serbuan di sebuah gudang penyimpanan baja di negeri ini.

Pengarah KPDNHEP Kedah, Affendi Rajini Kanth berkata, serbuan terbabit adalah hasil risikan yang dijalankan sejak tahun lepas di sekitar Alor Setar.

Menurutnya, pemeriksaan ke atas dua buah gudang dilakukan pada jam 1.30 petang, Isnin kerana disyaki menyimpan baja bersubsidi manakala serbuan kedua di kawasan Simpang Empat atas kesalahan menyimpan barang kawalan di premis yang tidak dilesenkan.

"Dalam serbuan bersama pasukan polis itu, kita menemui 49,000kg baja bersubsidi dalam gudang tersebut.



Beberapa dokumen berkaitan turut diperiksa di gudang yang menyimpan baja sebatian bersubsidi dalam serbuan sekitar Alor Setar dan Simpang Empat.

"Hasil pemeriksaan lanjut mendapati baja berkenaan disimpan di tempat yang tidak dilesenkan, menyebabkan tindakan diambil bawah Seksyen 20 (1), iaitu menyimpan barang kawalan bukan di premis yang dilesenkan," katanya dalam kenyataan akhbar di sini pada Selasa.

Affendi berkata, jika disabitkan kesalahan mana-mana orang selain pertubuhan perbadanan didenda tidak melebihi RM1 juta atau dipenjarakan tidak melebihi tiga tahun atau kedua-duanya.

Affendi memaklumkan, mana-mana pertubuhan perbadanan

yang melakukan kesalahan terhadap akta ini apabila disabitkan dikenakan denda tidak melebihi RM2 juta dan bagi kesalahan kedua dan berikutnya, didenda tidak melebihi RM5 juta.

Menurut beliau, serbuan di sebuah gudang lagi mendapati premis tersebut mempunyai lesen borong untuk menyimpan baja dengan had simpanan 500 metrik tan baja.

"Premis tersebut tidak menyalenggara buku stok yang merupakan satu kesalahan bawah Akta Kawalan Bekalan 1961," katanya.

FOTO KPDNHEP KEDAH

Mengaku salah jadi pegawai KPDNHEP



Muhammad Faizal hadir di Mahkamah Sesyen Shah Alam pada Selasa.

SHAH ALAM - Seorang lelaki mengaku bersalah di Mahkamah Sesyen di sini pada Selasa atas pertuduhan pilihan iaitu menyamar sebagai pegawai Kementerian Perdagangan Dalam Negeri Dan Hal Ehwal Pengguna (KPDNHEP) dengan menipu RM3,000 daripada seorang pemilik syarikat pembekalan gas, sembilan tahun lalu.

Muhammad Faizal Abdul Hakil, 46, membuat pengakuan itu selepas pertuduhan dibaca di hadapan Hakim Rasyidah Ghazali.

Bagaimanapun, mahkamah

menetapkan 15 Ogos depan untuk fakta kes dan jatuh hukuman.

Mengikut pertuduhan, dia bersama seorang lagi individu yang telah didakwa, menipu pemilik syarikat pembekalan gas berusia 48 tahun dengan menyamar sebagai pegawai KPDNHEP.

Penyamaran itu mendorong mangsa menyerahkan wang RM3,000, yang mana dia tidak akan berbuat demikian sekiranya tidak diperdayakan.

Kesalahan dilakukan di sebuah stesen minyak di Kota Damansara pada 6 April 2013.

 Senarai Harga Barang Keperluan	• Ayam	RM6.99	• Telur Gred A	RM12.60	• Gula Pasir	RM2.75	• Cili Merah	RM10.99
	• Daging Lembu Tempatan	RM42.99	• Ikan Kembung	RM10	• Bawang Besar Holland	RM2.50	• Kubis Bulat Tempatan	RM3.20
	• Daging Lembu Import	RM28	• Minyak Masak	RM6.50	• Bawang Putih	RM5	• Tepung Gandum	RM2.30
<i>*Harga (RM/kg) Sumber: KPONHEP</i>								